

Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi
Ad Thermas Cardinalis Presbyteri Opera Quotquot
hactenùs separatim edita fuerê Omnia**

Bona, Giovanni

Antverpiae, 1677

Caput II. De requisitis in Sacerdote ad ritè & piè celebrandum.

urn:nbn:de:hbz:466:1-10805

fructus primò & principaliter illi applicare, pro quo celebrare tenetur ratione beneficii, eleemosinae, promissionis, aut specialis obligationis. Tum sine ejus præjudicio, & in quantum licet potest, alii item applicare poterit sibi charitate aut aliâ quavis ratione peculiariter conjunctis, seu commendatis, suam intentionem intentioni Christi summi Sacerdotis perfectè conformando & submittendo: sic enim poterit tutâ conscientiâ ex infinito & nunquam exhaustendo thesauro meritorum & satisfactiōnum Christi, cuius dispensator est constitutus, partem aliquam in plures derivare, quæ ex summa & ineffabili Dei misericordia non nisi uberrima sperari potest.

CAPUT II.

De requisitis in Sacerdote ad ritè & piè celebrandum.

§. I.

De puritate vitae.

Quod olim David de Templi ædificatione, id sibi Sacerdos de Divini Sacrificii oblatione, & sumptione dictum putet: Opus grande est, neque enim homini præparatur habitat, sed Deo. Ad Deum igitur accessurus, ut ipsius Dei unigenitum Filium incurvè sacrificet, cum timore & tremore tantum opus aggrediatur, probetquè seipsum, & præviis dispositionibus præparat ad uberrimos Sacrificii fructus percipientes. Sunt autem tres præcipuae dispositiones, quæ in Sacerdote requiruntur, puritas vitæ, rectitudo intentionis, & actualis devotio. Puritas vitæ in duobus consistit: Primum ut sit mundus ab omni peccato, non solum mortali, sed etiam veniali delibera & scienter admisso, atque ab omni affectu erga ipsa peccata venialia. Levia siquidem peccata omnino vitare nequimus; at ipsorum affectum penitus ex animo evellere & possumus & debemus; adeò ut nulli voluntate & affectu inhæreamus. Alterum ut conetur omni studio esse purus & sanctus, & ornatus omni virtute, sibique propter ea ilud peculiariter dictum existimet: Qui justus est, iustificetur adhuc, & sanctus sanctificetur

ad huc. Rectè Chrysostomus: Quo non oportet esse puriorum tali frumentum Sacrificio? Quo solaris radio non splendidiorem manum carnem hanc dividenter? os quod igne spirituali repletur: linguam quæ tremendo nimis Sanguine rubescit? Cogita quæ si insignitus honore, quali mensa fruaris: quod Angeli videntes horrescunt, neque liberè audent insueri, propter emicantem indeplendorem, hoc nos pascimur, huic nos unimur, & facti sumus unum Christi corpus & una caro. Docet S. Thomas, proprium effectum hujus Sacramenti esse, hominem in Deum transformare, & ipsi per amorem assimilare. Quā ergo fide debet esse imbutus, quā sperboratus, quā succensus charitate, quā prædictus innocentia, qui talem victimam quotidie immolat, Deumque suscipit, & in ipsum mysticè transformatur? Quod si dispositio, ut aiunt Philosophi, ejusdem rationis esse debet cum forma, ad quam disponit: divina procul dubio dispositio necessaria erit, ut recipiat cibus divinus; vita sic instruita, ut divina sit & superhumana, & mundanæ atque carnali prorsus opposita. Qui sic vivit, secedit à creaturis, & soli Deo adhæret: solus Deus in intellectu ejus est, solus in voluntate, solus in colloquis, solus in operibus. Nihil in illo, quod sapiat mundum, quod carnem redoleat & sensum: seipsum odio habet, corpus suum jugi mortificatione crucifigit, divitias spernit, honores fugit, amat nesciri, & pro nihilo reputari. Discutiat ergo vitam suam Sacerdos, & si talem nequaquam esse, sed adhuc terrenam deprehenderit, in divinam transferre fatigat sedula virtutum exercitatione. Huc etiam pertinet externa corporis & vestium mundities, gravitas & maturitas, quæ Presbyterum, hoc est, senorem deceat; talisque compositio totius hominis, ut omnes ex solo ipsius aspectu ædificantur.

§. II.

De rectitudine intentionis.

Secunda Sacerdotis dispositio ad celebrandum, est rectitudo intentionis, virtutus enim laudem, vel virtutis notam à fine, quem intendimus, actiones nostræ fortiuntur. Intentio autem ut recta sit, non solum excludit omnem finem malum, & alienum ab ipsa Sacrificii institutione, sed etiam vetat ad ipsum accedere ex sola consuetudine, finè actuali tanti mysterii consideratione, & præviâ præparatione. Sacerdos itaque

celebraturus, diligenter attendat, quo sine mo-
veatur, an propter damnable lucrum, aut ali-
quod temporale motivum, non cælestem Panem,
sed terrenum quærens; non anima salutem, sed
corporis emolumentum: ne Sacrificio pro mun-
di vita instituto, in sui perniciem abatur. Fi-
nem sibi præfigat excelsum, cælestem, super-
naturalēm, qui Dei gloriam respiciat, pro-
priam salutem & perfectionem, ac proximi uti-
litatem. Huc dirigit suam intentionem, ut per
hanc victimam salutarem purgetur a peccatis, a
languoribus anime curetur, & ab ingruentibus
malis protegatur: ut ab aliqua tentatione, &
adversitate eripiatur: ut aliquod beneficium im-
petret, & de perceptis gratias agat: ut virtutes,
augmentum gratiae, & donum perseverantiae
obtineat; ut pro variis proximorum necessitatibus,
& pro reque defunctorum Deum inter-
pellet; & universam Ecclesiam ei commendet:
ut cultum latræ Deo exhibeat, Sanctisque ho-
norem & venerationem: ut Christi Passionem &
mortem commemoret, sicut ipse præcipit, di-
cens: *Hoc facite in mei commemorationem: ut
ejemndatus ab omni inquinamento carnis & spi-
ritus, seipsum Deo conjungat, & inseparabili-
ter uniat, cum ipso consuminatus in unum.* Ex
his & aliis hujusmodi motivis intentionem ante
Missam dirigere oportet juxtam formulam infra
tradendam. Non est autem hoc loco præter-
mittendum, quosdam eximiae sanctitatis & doctri-
næ viros semper memores incertitudinis vitæ,
quotidie hâc intentione Corpus & Sanguinem
Christi in Missâ Sacrificio suscepisse, ut si eos
continget eâ die mori, Viaticum illis forer
ad vitam æternam: Multum vero hoc prode-
rit Sacerdoti ad mortis & æternitatis memoriam
sedulè renovandum.

S. III.

De actuali devotione.

Tertia dispositio in actuali devotione con-
sistit, quam ut in se exceteret Sacerdos, sa-
tagere debet primò, ut quidquid de hoc ineffa-
bili mysterio, cælestiumque charismatum the-
saurois in eo reconditis, Sacrosancta docet Ec-
clesia, firmâ fide apprehendat cum sublimissima
eorundem aestimatione. Verbis enim confecra-
tionis ab eo prolatis, panis in Corpus, & vinum
in Sanguinem Christi transubstantiatur, atquè
ibi adest sub specierum velamine illud purissi-

mum Christi Corpus; quod pro salute nostra
Cruci affixum fuit: adest Sanguis, qui pro no-
bis effusus est: adest anima gloriofa, in qua
sunt omnes thesauri sapientiae & scientiae Dei;
adest Christus verus Deus & verus homo, mi-
rabilis in maiestate sua, qui venturus est judi-
care vivos & mortuos, & sæculum per ignem.
Necessaria secundò est ad excitandam devotio-
nem humilitas, quæ præ cæteris virtutibus in
hujus Sacramenti institutione maximè eniuit,
Christus enim cum in forma Dei esset, exhi-
bavit semetipsum, & sub exiguis speciebus pa-
nis & vini, Corpus suum & Sanguinem, at-
què Divinitatem conclufit, seipsum expōens
sceleratorum hominum injuriis, qui pleni im-
munditiis ad ipsum accedere, eumque pollutis
manibus contrectare præsumunt. Par igitur est,
Sacerdotem tantam humilitatem imitari, & in
suum nihilum reflire, ac nihil de se præsume-
re. Sola humilitas est, quæ dignè nos pre-
parat ad tantum hospitem suscipiendum. Nella
nostra dispositio, nulla industria, nulla virtus; sed
sola Dei gratia nos dignos reddit: quare no-
stram debemus indignitatem agnoscere, & soli
divinæ misericordiae inniti. Tertiò, quia Chri-
stus hujus mensæ delicias acerbissimâ suâ Passio-
ne nobis promeruit, sanctos Sacerdotes legi-
mus ignem devotionis in se solitos succendere,
jejuniis, flagellationibus, ciliciis, & aliis hu-
jusmodi cruciatis; quos imitari & nos debe-
mus, Agno pro nobis occiso nosmetipos immo-
lantes, silentio, solitudine, abstinentia, sen-
suum custodia, non omisis exterioribus casti-
gationibus, juxta cujusque vires & condicio-
nem. Multum denique prodest ad devotionem
ingens fames, fervens desiderium, atquè
ardentissimus amor hujus Angelici Panis, ad
quem sumendum nos amantissimè invitat Do-
minus, dicens: *Venite ad me omnes, qui labo-
ratis & onerati estis, & ego reficiam vos.* Quod
si desit hoc desiderium, illud saltē desidera-
re, & à Domino petere debemus ferventissi-
mis amoris actibus; *desiderium enim pauperum
exaudiens, & animam esurientem satiabit bonis.*

C A.

